



REPUBLIKA E SHQIPËRISË  
ENTI RREGULLATOR I ENERGJISË  
BORDI

VENDIM

Nr. 74, Datë 13.04.2022

MBI

**VLERËSIMET E ERE PËR KOSTOT E AKTIVITETIT TË FURNIZUESIT TË  
SHËRBIMIT UNIVERSAL PËR PERIUdhËN 01.05.2022 – 31.12.2022**

Në mbështetje të neneve 83 dhe 85, të ligjit nr. 43/2015, “Për sektorin e energjisë elektrike”, i ndryshuar; nenit 15, të Rregullores për organizimin, funksionimin dhe procedruat e ERE-s, miratuar me vendimin e bordit të Entit Rregullator të Energjisë (ERE), Nr. 96, datë 17.06.2016; Vendimit të Këshillit të Ministrave (VKM) nr. 244, datë 30.03.2016, “Kushtet për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, i ndryshuar; VKM-së nr. 584, datë 08.10.2021, “Për shpalljen e gjendjes së emergjencës në furnizimin me energji elektrike”; “Metodologjisë së Përcaktimit të Çmimeve për Shitjen e Energjisë Elektrike me Pakicë tek Klientët Fundorë që Furnizohen nga Furnizuesi i Shërbimit Universal (FSHU)” miratuar me vendimin e bordit të ERE nr.189, datë 23.11.2017; bordi i ERE-s, në mbledhjen e tij të datës 13.04.2022, mbasi shqyrtoi relacionin me nr.486/3 prot., datë 11.04.2022, të përgatitur nga Drejtoria e Tarifave dhe Çmimeve “Mbi vlerësimet e ERE për kostot e aktivitetit të Furnizuesit të Shërbimit Universal për periudhën 1.05.2022 – 31.12.2022”,

**Konstatoi se:**

- Shoqëria Furnizuesi i Shërbimit Universal (FSHU) sh.a. nuk ka paraqitur aplikim për miratimin e çmimeve me pakicë për klientët fundorë që shërbehen nga FSHU sh.a.
- ERE me vendimet e bordit nr. 233 dhe nr. 234, datë 19.11.2021, ka vendosur fillimin e procedurës për shqyrtimin e aplikimit të tarifave të Operatorit të Sistemit të Shpërndarjes për vitin 2022 dhe shqyrtimin e aplikimit të shoqërisë OST sh.a. për tarifën e transmetimit të energjisë elektrike për vitin 2022 dhe periudhën 2022-2024.
- ERE me shkresës nr. 925/4 prot. datë 16.11.2021, ka njoftuar shoqërinë FSHU sh.a. mbi aplikimet për tarifën e rrjeteve të operatorëve të transmetimit dhe shpërndarjes së energjisë elektrike dhe ka kërkuar nga shoqëria FSHU sh.a. të përcjellë në ERE, pritshmërinë mbi të ardhurat e kërkuara si pasojë e transferimit të kostove të rrjetit të kërkuara nga operatorët OSSH sh.a. dhe OST sh.a., kostove të pritshme të blerjes së energjisë dhe kostot e tjera të aktivitetit të shoqërisë FSHU sh.a.
- Shoqëria FSHU sh.a. me shkresën nr. 10420 prot., datë 06.12.2021, shprehet se: “është në pritje të vendimeve të ERE për tarifën dhe çmimet lidhur me transferimin e kostove të rrjetit

*për klientët tarifore dhe mbështetur në vendimet dhe deklaratat e Qeverisë së Shqipërisë, FSHU pret mosdryshim të çmimeve të shitjes së energjisë për klientët në nivelin e tensionit 0.4 kV.”.*

- Bordi i ERE-s me vendimin nr. 252, datë 21.12.2021, ndër të tjera vendosi: *Të shtyjë fuqinë juridike të vendimit të bordit të ERE-s nr. 214, datë 15.12.2020, deri në vlerësimin e ERE për transferimin e kostove të transmetimit dhe shpërndarjes së energjisë elektrike te çmimet e shitjes me pakicë të klientëve fundorë që shërbehen nga Furnizuesi i Shërbimit Universal në përputhje me kërkesat e akteve ligjore dhe nënligjore në fuqi.*
- ERE vlerësoi kostot e aktivitetit të furnizimit të shërbimit universal duke konsideruar transferimin e kostove të aktivitetit të transmetimit dhe shpërndarjes së energjisë elektrike, si dhe kostot e blerjes së energjisë elektrike duke përlogaritur efektet e tyre në çmimet e shitjes me pakicë të klientëve fundorë që shërbehen nga FSHU sh.a. për vitin 2022. Ky vlerësim u bazua në vlerësimet e kryera nga ERE në periudhat paraardhëse, si dhe të dhënat e përcjella nga FSHU sh.a. për 10 mujorin e vitit 2021, në zbatim të “*Metodologjisë mbi përcaktimin e çmimeve për shitjen e energjisë elektrike me pakicë tek klientët fundorë që furnizohen nga Furnizuesi i Shërbimit Universal (FSHU)*” miratuar me vendimin e bordit të ERE-s nr.189, datë 23.11.2017.
- Të ardhurat e realizuara mbi/nën çmimin mesatar të shitjes së energjisë elektrike për periudhën 2015-2021 nga aktiviteti i shërbimit të furnizimit universal, janë konsideruar si të ardhura të korigjueshme për vitin 2022, në zbatim të “*Metodologjisë mbi përcaktimin e çmimeve për shitjen e energjisë elektrike me pakicë tek klientët fundorë që furnizohen nga Furnizuesi i Shërbimit Universal (FSHU)*” miratuar me vendimin e bordit të ERE-s nr.189, datë 23.11.2017.
- Sasia e parashikuar për t’u shitur nga shoqëria FSHU sh.a., për klientët fundorë të lidhur në nivelin e tensionit 0.4 kV, është 4,613 GWh.
- Kostot administrative të aktivitetit të furnizimit të përlogaritura për FSHU sh.a. për periudhën 1 Maj-31 Dhjetor 2022 janë vlerësuar 1.06 lekë/kWh.
- Asambleja e Përgjithshme e KESH me vendimin nr. 1349/1, datë 16.02.2022, “Mbi miratimin e programit ekonomik-financiar të shoqërisë KESH sh.a. për vitin 2022 prashikimin 2023-2026”, ka vendosur ndër të tjera se çmimi i shitjes së energjisë elektrike për klientët që shërbehen nga FSHU sh.a. do të jetë 2.6 leke/kWh.
- Kosto e transmetimit është llogaritur bazuar në tarifën prej 0.85 lekë/kWh.
- Kosto për shpërndarjen e energjisë elektrike në nivelin e tensionit 0.4 kV është llogaritur bazuar në tarifën prej 6.42 lekë/kWh.
- Kosto e financimit të kapitalit të punës është vlerësuar sipas normës 3% ndaj kapitalit të punës së shoqërisë FSHU sh.a.
- Marzhi i fitimit për aktivitetin e shërbimit të furnizimit universal është vlerësuar sipas normës së pranuar nga ERE prej 2.2%.

- Çmimi mesatar i shitjes së energjisë elektrike prej 10.7 lekë/kWh pritet të recuperojë të gjitha kostot e aktivitetit të furnizimit të shërbimit universal pas transferimit të kostove të blerjes, transmetimit dhe shpërndarjes së energjisë elektrike.
- Të ardhurat e realizuara mbi/nën ato të lejuara do të korrigjohen nga ERE, në zbatim të “Metodologjisë së përcaktimit të çmimeve për shitjen e energjisë elektrike me pakicë tek klientët fundorë që furnizohen nga Furnizuesi i Shërbimit Universal (FSHU)” miratuar me vendimin e bordit të ERE-s nr.189, datë 23.11.2017, në momentin e paraqitjes së aplikimit të rishikimit të çmimeve me pakicë të shoqërisë FSHU sh.a. sipas përcaktimeve të legjislacionit në fuqi.

Për gjithë sa më sipër, bordi i ERE-s:

### **Vendosi:**

1. Çmimet e shitjes me pakicë të energjisë elektrike për periudhën 1Maj – 31 Dhjetor 2022 janë ato të miratuara me anë të vendimit të bordit të ERE-s nr. 252, datë 21.12.2021, sipas tabelës bashkëlidhur këtij vendimi. (Bashkëlidhur tabela)
2. Klientët të cilët kanë plotësuar kushtet ligjore dhe /ose teknike për daljen në tregun e liberalizuar të energjisë elektrike nuk janë subjekt i parashikimeve të pikës 1, të këtij vendimi.
3. Drejtoria Juridike dhe e Zgjidhjes së Mosmarrëveshjeve të njoftojë palët e interesit për vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s,- brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI**

**Petrît AHMETI**

**ÇMIMET E SHITJES ME PAKICË TË ENERGJISË ELEKTRIKE PËR KLIENTËT FUNDORË  
QË SHËRBEHEN NGA FURNIZUESI I SHËRBIMIT UNIVERSAL PËR PERIUDHËN 1 MAJ -  
31 DHJETOR 2022**

<b>Përshkrimi</b>	<b>Çmimi i energjisë aktive (Lekë/kWh)</b>	<b>**Çmimi i energjisë aktive në orar pik (Lekë/kWh)</b>
* Çmimi i shitjes për Klientët në 20 kV	11	12.65
* Çmimi i shitjes për Klientët në 10/6 kV	11	12.65
* Furra buke dhe prodhim mielli në 10/6 kV	7.1	8.17
* Çmimi i shitjes për Klientët e lidhur në TM dhe me matës në TU	12.4	14.3
Klientë në 0.4 kV	14	16.1
Furra buke dhe prodhim mielli në 0.4 kV	7.6	8.74
Objekte kulti/bashkësi fetare	9.5	
Familjarë	9.5	
Çmimi për konsumin e energjisë elektrike në ambientet e përbashkëta (ndricim shkalle, pompe, ashensor)	9.5	
<i>* Klientët të cilët kanë plotësuar kushtet ligjore dhe /ose teknike për daljen në tregun e liberalizuar të energjisë elektrike nuk janë subjekt i këtyre çmimeve</i>		
<i>**Orari pik gjatë të cilit do të aplikohet çmimi për energjinë e konsumuar në pik është :</i>		
<i>- Për periudhën 1 Nëntor - 31 Mars nga ora 18:00 deri në 22:00</i>		
<i>- Për periudhën 1 Prill - 31 Tetor nga ora 19:00 deri në 23:00</i>		